

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренцијски савјет

ZAKLJUČAK

**po Prijavi namjere koncentracije između privrednog subjekta OAO NeftegazInKor,
Moskva, Ruska Federacija i privrednog subjekta Petrol a.d. Banja Luka, Bosna i
Hercegovina**

Sarajevo
Maj 2007. godine



Broj: 01-04-26-008-9-II/07
Sarajevo, 23.05.2007. godine

Na osnovu člana 42. stav (1) tačka g) a u vezi s čl. 12. i 14.. Zakona o konkurenciji («Službeni glasnik BiH», broj 48/05) i člana 116. stav (2) Zakona o upravnom postupku («Službeni glasnik BiH», broj 29/02), po Prijavi namjere koncentracije privrednog subjekta OAO NeftegazInKor, Kalančevskaja ulica 11/2, 107078 Moskva, Ruska Federacija, podnesenoj od ovlaštenog punomoćnika Slavka Šćepanovića, b. 1, 4/17 Pokrovsky b-r, Office 2, 107078 Moskva, Ruska Federacija, dana 12. februara 2007. godine broj: 01-04-26-008-II/07, Konkurencijsko vijeće na 46. (četrdesetšestoj) sjednici održanoj dana 23.05.2007. godine, donijelo je sljedeći

Z A K L J U Č A K

Odbacuje se Prijava namjere koncentracije privrednog subjekta OAO NeftegazInKor, Kalančevskaja ulica 11/2, 107078 Moskva, Ruska Federacija, radi nepostojanja obaveze podnošenja prijave, u smislu odredbi Zakona o konkurenciji.

O b r a z l o ž e n j e

Konkurencijsko vijeće je zaprimilo Prijavu namjere koncentracije (u daljem tekstu: Prijava) sticanjem kontrole privrednog subjekta OAO NeftegazInKor, Kalančevskaja ulica 11/2, 107078 Moskva, Ruska Federacija (u daljem tekstu: podnosilac Prijave ili NeftegazInKor), nad privrednim subjektom Petrol a.d. Banja Luka, Kralja Petra i Karađorđevića 83A, 78000 Banja Luka, Bosna i Hercegovina (u daljnjem tekstu: Petrol), podnesenoj od punomoćnika Slavka Šćepanovića, b.1, 4/17 Pokrovsky b-r, Office 2, 101000 Moskva, Ruska Federacija, dana 12. februara 2007. godine broj: 01-04-26-008-II/07.

Uvidom u Prijavu, a u skladu sa članom 30. Zakona o konkurenciji (u daljem tekstu: Zakon) i Odlukom o načinu podnošenja prijave i kriterijima za ocjenu koncentracije privrednih subjekata («Službeni glasnik BiH», broj 95/06) Konkurencijsko vijeće je utvrdilo da Prijava nije kompletna (nedostaju finansijski izvještaji učesnika koncentracije za 2006. godinu, vlasnička struktura, povezana privredna društva).

Konkurencijsko vijeće je zatražilo, u smislu člana 31. st. (1) i (2) Zakona, dopunu Prijave (dana 16. februara 2007. godine, dana 23. februara 2007. godine, dana 02. marta 2007. godine, dana 14. marta 2007. godine, dana 20. marta 2007. godine, dana 21. marta 2007. godine, dana 02. aprila 2007. godine, dana 11. aprila 2007. godine, dana 17. aprila 2007. godine, dana 20. aprila 2007. godine), koju je podnosilac Prijave u skladu sa zahtjevima dopunio nedostajućom dokumentacijom (dana 22. februara 2007. godine, dana 27. februara 2007. godine, dana 13. marta 2007. godine, dana 15. marta 2007. godine, dana 23. marta 2007. godine, dana 29. marta 2007. godine, dana 10. aprila 2007. godine, dana 19. aprila 2007. godine).

Nakon prijema tražene dokumentacije Konkurencijsko vijeće je utvrdilo da je Prijava kompletna i izdalo podnosiocu Prijave Potvrdu o prijemu kompletne i uredne Prijave, u skladu sa članom 30. stav (3) Zakona, dana 24. aprila 2007. godine pod brojem: 01-04-26-008-7-II/07.

Konkurencijsko vijeće ja na osnovu uvida u Prijavu i dostavljenu dokumentaciju utvrdilo sljedeće činjenice:

Podnosilac Prijave je dostavio Prijavu u Zakonom predviđenom vremenskom roku, u smislu člana 16. stav (1) Zakona.

Podnosilac Prijave je naveo da zahtjev nije podnio drugom tijelu za ocjenu predmetne koncentracije, izvan teritorije Bosne i Hercegovine, u smislu člana 30. stav (2) Zakona.

Pravni osnov i oblik koncentracije

Pravni osnov predmetne koncentracije je Ugovor o prodaji dionica privrednog subjekata Rafinerija nafte d.d. Bosanski Brod, privrednog subjekata Petrol d.d. Banja Luka i privrednog subjekata Rafinerija ulja Modriča d.d. Modriča (u daljem tekstu: Ugovor o prodaji) zaključen, dana 02. februara 2007. godine, između privrednog subjekta OAO NeftegazInKor (kao kupca) i Vlade Republike Srpske (kao prodavca).

Pravni oblik predmetne koncentracije je sticanje kontrole, u smislu člana 12. stav (1) tačka b) Zakona, od strane privrednog subjekta NeftegazInKor u privrednom subjektu Petrol. Kontrola se ostvaruje sticanjem kupovinom (..)**¹ redovnih dionica s pravom glasa, nominalne vrijednosti (..)**, što odgovara vlasničkom udjelu od 65,000031% od ukupnog broja dionica privrednog subjekta Petrola, a koje su u vlasništvu Vlade Republike Srpske i (..)** redovnih dionica s pravom glasa, nominalne vrijednosti (..)**¹, a koje iznose 5,000002% ukupnog broja dionica privrednog subjekta Petrol, a koje su u vlasništvu Fonda za restituciju Republike Srpske.

Nakon provođenja koncentracije privredni subjekt NeftegazInKor bit će vlasnik (..)** redovnih dionica s pravom glasa privrednog subjekta Rafinerija Brod, nominalne vrijednosti (..)**¹, što odgovara većinskom vlasničkom udjelu od 70,000033% ukupnog broja dionica.

Učesnici koncentracije

Učesnici koncentracije su privredni subjekt Otvoreno dioničko društvo Nafregazovaja Inovacionaja Korporacija - OAO NeftegazInKor, 107078 Moskva, Kalančevskaja ulica 11/2, Moskva, Ruska Federacija i privredni subjekt Petrol a.d., Kralja Petra i Karađorđevića 83A, 78000 Banja Luka, Bosna i Hercegovina.

Privredni subjekt NeftegazInKor

Privredni subjekt NeftegazInKor, evidentiran u jedinstvenom državnom registru pravnih lica broj: 1027708003256, dana 23.08.2002. godine (inspekcija Ministarstva Ruske Federacije za poreze i doprinose broj 8 za Centralni administrativni okrug grada Moskva). Privredni subjekt NeftegazInKor, na osnovu odredbi Odluke Federalnog povjerenstva za tržište i vrijednosne papire

¹(..)** - Podaci predstavljaju poslovnu tajnu

broj: 27 od dana 02.10.1997. godine, vodi vlastiti registar vrijednosti dionica (državni registarski broj izdavanja vrijednosnih papira: 1-01-07474-A) i ima ukupno (..)** običnih dionica nominalne vrijednosti (..)**.

Vlasnička struktura privrednog subjekta NeftegazInKor (navedena od Podnosioca Prijave), na dan 02. februara 2007. godine (na dan zaključenja predmetnog Ugovora učesnika koncentracije) u dioničkom kapitalu:

- Privredni subjekt Otvoreno dioničarsko društvo (OAO) Zarubezneft, Armjanskij pereulok 9 - 1, 101990 Moskva, Ruska Federacija, posjeduje (..)** običnih nedokumentiranih dionica ukupne vrijednosti (..)** što predstavlja 40,0% u ukupnom dioničkom kapitalu.

Privredni subjekt OAO Zarubezneft je u 100,0% vlasništvu Ruske Federacije odnosno Federalne agencije za upravljanje federalnom imovinom.

- Privredni subjekt Invest-tehnologije, društvo sa ograničenom odgovornošću, Radiščevskaja verh 4, 109240 Moskva, Ruska Federacija, osnovni državni registracijski broj: 5067746347389, posjeduje (..)** običnih nedokumentiranih dionica ukupne vrijednosti (..)** što predstavlja 20,0% u ukupnom dioničkom kapitalu.

Fizičko lice (..)**, Ruska Federacija, je jedini osnivač privrednog subjekta Invest Tehnologi, upisan dana 29.08.2006. godine u registar Međureonske inspekcije federalne poreske službe broj 46 za grad Moskvu.

- Privredni subjekt Nepata, društvo sa ograničenom odgovornošću, Energetičkij proezd 3, 127015 Moskva, Ruska Federacija, osnovni državni registracijski broj: 1047796915341, posjeduje (..)** običnih nedokumentiranih dionica ukupne vrijednosti (..)** što predstavlja 20,0% u ukupnom dioničkom kapitalu.

Fizičko lice (..)** je jedini osnivač privrednog subjekta Nepata, upisan dana 30.11.2004. godine u registar Međureonske inspekcije federalne poreske službe broj 46 za grad Moskva.

- Privredni subjekt Junik Development, društvo sa ograničenom odgovornošću, Ljusinovskaja ulica 36/50, 113093 Moskva, Ruska Federacija, osnovni državni registracijski broj: 1037700120292, posjeduje (..)** običnih nedokumentiranih dionica ukupne vrijednosti (..)** što predstavlja 20,0% u ukupnom dioničkom kapitalu.

Fizičko lice (..)**, Ruska Federacija, je jedini osnivač privrednog subjekta Junik Development, upisan dana 28.11.2001. godine u registar Međureonske inspekcije federalne poreske službe No. 5 za grad Moskvu.

Glavne djelatnosti privrednog subjekta NeftegazInKor su istraživanje, izgradnja i eksploatacija nafte i plina, dobijanje i plasman nafte i naftnih derivata i plina, skladištenje nafte i naftnih derivata, monataža i ugradnja opreme za plin i naftu itd.

Podnosilac Prijave je naveo da nema povezanih /subsidijskih privrednih subjekata registrovanih u Bosni i Hercegovini niti djeluje na tržištu Bosne i Hercegovine u proizvodnji /prodaji roba i/ili usluga.

Privredni subjekt Petrol

Privredni subjekt Petrol je registrovan u Osnovnom sudu Banja Luka pod brojem 1-10073-00.

Osnovne djelatnosti privrednog subjekta Petrol je trgovina na malo motornim gorivima i povezanim djelatnostima.

Privredni subjekt nema povezanih privrednih subjekata u Republici Srpskoj odnosno Bosni i Hercegovini.

Ocjena Prijave namjere koncentracije

Relevantno tržište, u smislu člana 3. Zakona, te čl. 4., 5. i 6. Odluke o utvrđivanja relevantnog tržišta («Službeni glasnik BiH», broj 18/06) čini tržište određenih proizvoda /usluga koje su predmet obavljanja djelatnosti na određenom geografskom tržištu.

Relevantno tržište predmetne koncentracije je distribucija i prodaja naftnih derivata na teritoriji Republike Srpske.

U vlasničkoj strukturi privredni subjekt NeftegazInKor najveći vlasnički udjel od 40,0% ima privredni subjekt Otvoreno dioničarsko društvo (OAO) Zarubezneft, što znači privredni subjekt NeftegazInKor u vlasničkoj strukturi nema prevladavajućeg utjecaja jednog privrednog subjekta, u smislu posjedovanja većine dionica ili prava glasa (preko 50,0% udjela).

Slijedom navedenog, a u skladu sa Zakonom, nije uzet u obzir ukupan prihod privrednog subjekta Otvoreno dioničarsko društvo (OAO) Zarubezneft jer nema kontrolu nad privrednim subjektom NeftegazInKor.

Ukupan prihod privrednih subjekata učesnika koncentracije, na dan 31. decembra 2006. godine (u godini koja je predhodila predmetnoj koncentraciji), u smislu člana 14. Zakona (Tabela 1.):

Tabela 1.

(KM)	NeftegazInKor	Petrol
Svijet	(..)**	-
Bosna i Hercegovina	-	(..)**

Ukupan prihod, u 2006. godini, prema finansijskoj dokumentaciji dostavljenoj od podnosioca Prijave, za učesnike koncentracije (privredni subjekt NeftegazInKor i privredni subjekt Petrol) iznosi ukupno (..)**.

Zajednički ukupni prihod učesnika koncentracije (Tabla 1.), u 2006. godini, iznosi (..)** te nisu ispunjeni uslovi predviđeni članom 14. stav (1) tačka a) Zakona, odnosno učesnici koncentracije nisu ostvarili ukupni godišnji prihod (u godini koji je predhodila koncentraciji) na osnovu kojeg bi postojala obaveza podnošenja Prijave.

Također, jedan od uslova za obavezu prijave namjere koncentracije u skladu sa članom 14. stav (1) pod b) Zakona je da zajednički tržišni udio na relevantnom tržištu prelazi 40%, Privredni subjekt Petrol u 2006. godini ima 10% tržišni udjel, dok privredni subjekt NeftegazInKor nema tržišnog udjela na relevantnom tržištu u Republici Srpskoj pa ni po ovom osnovu nije ispunjen uslov obaveze prijave namjere koncentracije.

Na osnovu izloženog Konkurencijsko vijeće je odlučilo kao u dispozitivu ovog Zaključka

Administrativna taksa

Na ovaj Zaključak podnosilac Prijave, u skladu sa članom 2. tarifni broj 108. stav 1. tačka c) Odluke o visini administrativnih taksi u vezi s procesnim radnjama pred Konkurencijskim vijećem («Službeni glasnik BiH», broj 30/06) je obavezan platiti administrativnu taksu u iznosu od 1.000,00 KM u korist Budžeta institucija Bosne i Hercegovine.

Pouka o pravnom lijeku

Protiv ovog Zaključka nije dopuštena žalba. Nezasadovoljna stranka može pokrenuti upravni spor pred Sudom Bosne i Hercegovine u roku od 30 (trideset) dana od dana prijema ovog Zaključka odnosno od dana njegovog objavljivanja u «Službenom glasniku Bosne i Hercegovine»

Ovaj Zaključak bit će objavljen u «Službenom glasniku BiH», službenim glasilima entiteta i Brčko Distrikta Bosne i Hercegovine.

Predsjednik

Sanja Božić